

PRIJAVITE DISKRIMINATORNA PONAŠANJA KOJA IMAJU OBILJEŽJA KRIVIČNOG DJELA!

Tužilaštvo Unsko-sanskog kantona je posvećeno ispunjavanju strateških ciljeva Strategije za unapređenje rodne ravnopravnosti u pravosuđu Bosne i Hercegovine, te je u u svom Akcionom planu predvidjelo niz aktivnosti za realizaciju istih. U tom smislu, odlučili smo ohrabriti i podučiti javnost kako da Tužilaštvu prijavi diskriminaciju po osnovu spola i drugim osnovama gdje postoje obilježja krivičnog djela čije procesuiranje je u našoj nadležnosti.

Krivično zakonodavstvo u Federaciji BiH inkriminira diskriminatorna ponašanja prvenstveno kroz krivično djelo **Povreda ravnopravnosti čovjeka i građanina iz člana 177. Krivičnog zakona Federacije BiH** koji propisuje sljedeće;

1) Ko na osnovu razlike u rasi, boji kože, narodnosnoj ili etničkoj pripadnosti, vjeri, političkom ili drugom uvjerenju, spolu, spolnoj sklonosti, jeziku, obrazovanju, društvenom položaju ili socijalnom porijeklu, uskrati ili ograniči građanska prava utvrđena međunarodnim ugovorom, ustavom, zakonom, drugim propisom ili općim aktom u Federaciji, ili ko na osnovu takve razlike ili pripadnosti ili kojeg drugog položaja daje pojedincima neopravdane povlastice ili pogodnosti, kaznit će se kaznom zatvora od šest mjeseci do pet godina.

(2) Službena ili odgovorna osoba u Federaciji koja učini krivično djelo iz stava 1. ovog člana, kaznit će se kaznom zatvora od jedne do osam godina.

(3) Službena ili odgovorna osoba u institucijama u Federaciji koja suprotno propisima o ravnopravnoj upotrebi jezika i pisama konstitutivnih naroda i ostalih koji žive na teritoriji Bosne i Hercegovine uskrati ili ograniči građaninu da pri ostvarivanju svojih prava ili pri obraćanju organima vlasti i institucijama u Federaciji, trgovačkim društvima i drugim pravnim osobama upotrijebi svoj jezik ili pismo, kaznit će se novčanom kaznom ili kaznom zatvora do jedne godine.

(4) Službena ili odgovorna osoba u institucijama u Federaciji koja uskrati ili ograniči pravo građaninu na slobodno zapošljavanje na cijelom području Bosne i Hercegovine i pod jednakim propisanim uvjetima, kaznit će se kaznom zatvora od šest mjeseci do pet godina.

Također, **Zakon o ravnopravnosti spolova u BiH u članu 29.** propisuje;

Ko na osnovu spola vrši nasilje, uznemiravanje ili seksualno uznemiravanje kojim se ugrozi mir, duševno zdravlje i tjelesni integritet kaznit će se kaznom zatvora od šest mjeseci do pet godina.

U prilogu možete pronaći obrazac koji će vam olakšati prijavljivanje krivičnog djela. Popunjen obrazac možete dostaviti ovom Tužilaštvu putem pošte, lično na adresu Bosanska 2, Bihać ili putem e-mail adrese kt-bihac@pravosudje.ba

Poznato mi je gdje se nalaze eventualni dokazi, odnosno tragovi ili svjedoci djela i uz prijavu prilažem (ukoliko želite navedite podatke o dokazima i svjedocima djela i priložima koje dostavljate Tužilaštvu):

Ukoliko je potrebno, koristite dodatni prostor za Vašu prijavu!